



Isalathiso: 20161213-6989  
12/2/11/6/4  
Imibuzo: SMM Rampou

INgcaciso eMfutshane yeCandelo leKharityhulam yeGET: DCG 0001/2017

Iya: KumaSekela Balawuli-Jikelele, kuBalawuli abaziiNtloko, kuBalawuli, kwiiNtloko zoQuquzelelo neNgcebiso ngezeKharityhulam, kuBaphathi beeSekethe, kumaSekela eeNgcali zeMfundo eziziiNtloko, kuBaququzeleli beFET nabeGET, kuBacebisi ngeZifundo nakwiiNqununu zazo zonke izikolo zikarhulumente eziqhelekileyo nezizimeleyo ezineeklassi zamaBakala 4–9

**Isihloko: Isicelo sokubhalisa abafundi bamaBakala 4–9 kwi-Natural Science Olympiad ka-2017**

1. I-National Natural Science Olympiad yiprojekthi exhaswa ngemali yi-South African Agency for Science and Technology Advancement (SASTA). Injongo yale Olimpiyadi:
  - kukudala umdla wesayensi kubafundi nokubakhuthaza ukuba benze izifundo zesayensi kwiSigaba seMfundo noQeqesho oluQhubekayo (*Further Education and Training Phase*) (FET));
  - kukuqaphela abafundi beeSayensi zeNdalo abaziintshatsheli kuzwelonke;
  - kukuxhasa ootitshala beeSayensi zeNdalo nasekuphuculeni indlela abafundisa ngayo eklasini; kunye
  - nokuqaphela italente efanekisa kubafundi beeSayensi zeNdalo.
2. I-Olimpiyadi luviwo oluhlupheza ingqondo (*stimulating activity*) olufuna abathathi-nxaxheba babonise ukuqiqa (*critical thinking*), ukukwazi ukusombulula iingxaki (*problem-solving abilities*), ingqondo yokukwazi ukuvelisa izinto ezintsha kwanesiphiwo sokuyila (*innovativeness and creativity*). Le nkqubo ixhasa isicwangciso i-Western Cape Education Department's (WCED) strategy for Mathematics and Physical Science. Kukho amabhaso angaywayo aya kuphunyelwa ngabo bafundi baziintshatsheli kwi-Olimpiyadi.
3. Impumelelo engumndilili yephondo kumaBakala 4 ukuya ku-6 inyuke ukusuka ku40,5% ngo2015 yaza yangu-42% ngo2016. Ukanti kumaBakala 7 ukuya ku-9 inyuke ukusuka ku40,5% ukuya ku43,3% ku2016.
4. La mabhaso alandelayo aye anikwa abaphumeleleyo eNtshona Koloni kwinqanaba likazwelonke (*national category*):

Igama lesikolo	Ii-inishiyali nefani yomfundi	Ibakala	Abafundi abawongwayo	Indawo akuyo umfundi kuzwelonke	%	Ibhaso
Kristenhof Primary	D Sumeruk (76%)	7	Ngumfundi oyintshatsheli kwiBakala 7	1	76	Ithablethi
Parklands College	RS Sparg (81%)	8	Ngumfundi oyintshatsheli weBakala 8	2	81	Ithablethi

- I-Olimpiyadi luviwo olukhethisayo (*multiple-choice questions*) olubhalwe ngesiNgesi kuphela. Lwahlulwa-hlulwe lwangamacandelo amabini, o.k.t. iSigaba seSiseko neSigaba esiPhakamileyo. Luya kubhalwa kuphela ngo-09:00 ukuya kutsho ku-12:00 ngoLwesine, nge-11 Meyi 2017. Umhla wokuvula ukubhalisela uviwo eNtshona Koloni nguLwesibini, we-28 Februwari 2017.
- I-WCED izimema zonke izikolo kwakhona ukuba zithathe inxaxheba kwiOlimpiyadi ka2017. Kucelwa izikolo zizalise yaye zisayine ezi fom zobhaliso ziqhotyoshelweyo (iziHlomelo A no-B) zizibuyisele kweyona ofisi yesithili ikufutshane okanye kwiziko lesayensi elidweliswe kwisiHlomelo C. Makuqinisekiswa ukuba ikopi yerisithi yentlawulo iqhotyoshelwe kwifom yobhaliso. Zonke iifom zobhaliso eziqhotyoshelweyo mazifike kwii-ofisi zezithili ezahlukeneyo kunye/okanye kumaziko esayensi engadlulanga u-14:00 ngoMvulo, we-27 Februwari 2017.
- Intlawulo yokuthatha inxaxheba kwi-Olimpiyadi yi-R10.00 ngomfundi ngamnye. Le mali mayidiphozithwe ngqo kwi-akhawunti yebhanki ye-SAASTA. Iinkcukacha zebhanki zibhaliwe kwifom yamangeno. Akukho mqathango umiselweyo omalunga nenani labafundi abanokungenela olu viwo.
- I-WCED iya kuhlawulela amangeno abafundi abakwizikolo ezingayihlawuliyo imali yokufunda kunye nezo zeMathematika, iSayensi neThekhnoloji (*Mathematics, Science and Technology*)MST. Zonke ezi zikolo mazithumele amangeno abafundi bazo kuSuanne Rampou ungadlulanga uMvulo we-27 kaFebruwari 2017 ngentsimbi yesi-15:00. Izikolo zinako ukuskena ziwathumele nge-imeyili amangeno azo ku-: [Suanne.Rampou@westerncape.gov.za](mailto:Suanne.Rampou@westerncape.gov.za) okanye ziwathumele ngefeksi ku-086 205 1450.
- Kucelwa izikolo zikugcine ukuthembeka (*integrity*) kwe-Olimpiyadi ngokubagada ngenyameko abaviwa xa bebhala. Siya kukhutshwa ngaphandle kwengxoxo isikolo esiye sachaphazeleka kwisitenxo (*an irregularity*).

**ISAYINWE:** NGU- PAD BEETS

**USEKELA MLAWULI-JIKELELE OBAMBELEYO WOLAWULO LWEKHARITYHULAM NOVAVANYO**

**UMHLA:** 2017-01-17